

## ТАНИЛЦУУЛГА

*Хүнсний гол нэрийн барааны үнэ,  
2014 оны 4-р сарын 2-ны байдлаар*


2014 оны 4-р сарын 2-ны байдлаар хүнсний гол нэрийн барааны үнийг өмнөх сарын дундаж үнэтэй харьцуулахад 3.1 хувь, өмнөх 7 хоногийнхоос 2.7 хувиар өссөн байна.

**Махны дундаж үнэ:** 2014 оны 4-р сарын 2-ны байдлаар хонины ястай махны үнэ өмнөх сарынхаас 8.5 хувь, үхрийн ястай мах 1.5 хувь, үхрийн цул мах 3.7 хувь, адууны мах 0.1 хувь, ямааны мах 1.0 хувиар өссөн байна.

Өмнөх 7 хоногийнхоос хонины ястай махны үнэ 6.9 хувь, үхрийн ястай мах 0.9 хувь, үхрийн цул мах 3.5 хувиар өсч, адууны мах, ямааны махны үнэ өөрчлөлтгүй байна.

2014 оны 4-р сарын 2-ны байдлаар 1 кг хонины /ястай/ мах дунджаар 7635 төгрөг, үхрийн /ястай/ мах 8555 төгрөг, үхрийн цул мах 10335 төгрөг, адууны мах 6550 төгрөг, ямааны мах 5775 төгрөгийн үнэтэй байв (Зураг 1).


**Зураг 1. Ястай махны жижиглэн худалдааны дундаж үнэ**



**Гурилын үнэ:** 2014 оны 4-р сарын 2-ны байдлаар бүх төрлийн гурилын үнэ өмнөх сарынхаас болон өмнөх 7 хоногийнхоос өөрчлөлтгүй байлаа.

**Будаа, элсэн чихрийн дундаж үнэ:** 2014 оны 4-р сарын 2-ны байдлаар цагаан будаа, элсэн чихрийн үнэ өмнөх сарынхаас болон өмнөх 7 хоногийнхоос өөрчлөлтгүй байна (Зураг 2).

**Зураг 2**



**Төмс, хүнсний ногооны дундаж үнэ:** 2014 оны 4-р сарын 2-ны байдлаар төмс, хүнсний ногооны үнийг өмнөх сарын дундаж үнэтэй харьцуулахад төмсний үнэ 0.5 хувиар буурч, бусад ногооны үнэ өөрчлөлтгүй байна. Өмнөх 7 хоногийнхоос төмс, хүнсний ногооны үнэ өөрчлөлтгүй байна.

**Сүү, өндөг, ургамлын болон цөцгийн тосны дундаж үнэ:** 2014 оны 4-р сарын 2-ны байдлаар өмнөх сарынхаас савласан /1 литрийн/ сүүний үнэ 4.7 хувь, “Элекстер” /0.5 л/ савласан сүүний үнэ 10.1 хувиар өсч, задгай сүүний үнэ өөрчлөлтгүй, өмнөх 7 хоногийнхоос савласан /1 литрийн/ сүүний үнэ 5.2 хувь, “Элекстер” /0.5 л/ савласан сүүний үнэ 10.1 хувиар өсч, задгай сүүний үнэ өөрчлөлтгүй байна.

Ургамлын тос, цөцгийн тос, өндөгний үнэ өмнөх сарынхаас болон өмнөх 7 хоногийнхоос өөрчлөлтгүй байна.

### **Хүнсний гол нэрийн барааны үнэ, аймгаар**

Хүнсний гол нэрийн барааны 7 хоногийн үнийн судалгаанд аймгийн төвүүдээс гурил, мах, цагаан будаа, малын сүү, элсэн чихрийн үнийг судалдаг (Хавсралт хүснэгт 3).

**Гурилын үнэ:** 2014 оны 4-р сарын 2-ны байдлаар аймгийн төвүүдийн хүнсний зах, дэлгүүрт хэрэглээ ихтэй 1-р зэргийн гурилын үнэ 680-1100 төгрөгийн хооронд худалдаалагдаж байна. Гурилын үнэ өмнөх 7 хоногийнхоос бүх аймагт өөрчлөлтгүй байна.

Дорнод аймагт 1-р зэргийн гурилын үнэ хямд буюу 680 төгрөг байхад, Завхан аймагт 1100 төгрөг байгаа нь өндөр үнэ байна.

**Махны үнэ:** 2014 оны 4-р сарын 2-ны байдлаар хонины махны үнэ өмнөх 7 хоногийнхоос Баян-Өлгий Увс, Баянхонгор, Орхон, Дархан-Уул, Хэнтий аймагт 100-500 төгрөгөөр өсч, Говь-Алтай, Архангай, Өвөрхангай аймагт 100-300 төгрөгөөр буурсан байна.

Хонины махны үнэ Хөвсгөл аймагт 8500 төгрөг байгаа нь өндөр бөгөөд Баян-Өлгий аймагт 6000 төгрөг байгаа нь хамгийн хямд үнэ байв.

Үхрийн махны үнэ өмнөх 7 хоногийнхоос Увс, Орхон, Дархан-Уул, Хэнтий аймагт 170-1000 төгрөгөөр өссөн байна. Үхрийн махны үнэ Хэнтий аймагт 9500 төгрөг байгаа нь хамгийн өндөр үнэ бөгөөд Баян-Өлгий аймагт 5500 төгрөгөөр худалдаалагдсан нь хямд үнэ байв.

Ямааны махны үнэ Завхан, Баянхонгор, Орхон, Хэнтий аймагт 200-500 төгрөгөөр өсч, Баян-Өлгий, Өвөрхангай аймагт 100-500 төгрөгөөр буурсан байна. Ямааны мах Баян-Өлгий аймагт хямд буюу 4500 төгрөг байхад Өмнөговь аймагт 6500 төгрөг байгаа нь хамгийн өндөр үнэ байна.

**Малын сүүний үнэ:** 2014 оны 4-р сарын 2-ны байдлаар малын сүү аймагт 1100-3000 төгрөгийн үнэтэй худалдаалагдсан байна. Сүүний үнэ Завхан, Ховд, Баянхонгор аймагт 100-500 төгрөгөөр өсч, Дундговь, Дорнод аймагт 100-200 төгрөгөөр буурсан байна. Өмнөговь аймагт хамгийн /3000 төг/ өндөр үнэтэй байна.

**Цагаан будаа, элсэн чихрийн үнэ:** 2014 оны 4-р сарын 2-ны байдлаар цагаан будааны үнэ өмнөх 7 хоногийнхоос бүх аймагт өөрчлөлтгүй байна. Нийт аймагт цагаан будаа 1 кг нь 1900-2400 төгрөгийн хооронд худалдаалагдаж байна.

Элсэн чихрийн үнэ өмнөх 7 хоногийнхоос Ховд аймагт 100 төгрөгөөр өсч, бусад аймагт өөрчлөлтгүй байна. Элсэн чихэр 1 кг нь 1500-2000 төгрөгийн хооронд худалдаалагдаж байна.